

ქალაქ ფოთის მუნიციპალიტეტის 2019 წლის ბიუჯეტის პროექტის საჯარო განხილვის

ო ქ მ ო

განხილვა გაიმართა საბიბლიოთეკო გაერთიანების სხდომათა დარბაზში, 2018 წლის 18 დეკემბერს, 16 საათზე.

განხილვას ესწრებოდნენ:ქალაქ ფოთის მუნიციპალიტეტის მერი გოჩა კურდღელია,ქალაქ ფოთის მუნიციპალიტეტის საკრებულოს თავმჯდომარე ირაკლი კაცულია,საკრებულოს თავმჯდომარის მოადგილე აკაკი დარჯანია,ქალაქ ფოთის მუნიციპალიტეტის მერის ადმინისტრაციული და შესყიდვების სამსახურის უფროსი ინგა მასხულია, ქალაქ ფოთის მუნიციპალიტეტის მერის საფინანსო- საბიუჯეტო სამსახურის უფროსი ნანა ჭანტურია,

ქალაქ ფოთის მუნიციპალიტეტის მერის ჯანმრთელობისა და სოციალური დაცვის სამსახურის უფროსი მაია მაკალათია, საკრებულოს წევრები, საზოგადოებრივი დარბაზის წევრები, საზოგადოებრივი სათათბიროს წევრები, არასამთავრობო ორგანიზაციების,პრესისა და ტელევიზიის წარმომადგენლები,, მოქალაქეები.

დ ღ ი ს წ ე ს რ ი გ ი:

1.ქალაქ ფოთის მუნიციპალიტეტის 2019 წლის ბიუჯეტის პროექტის საჯარო განხილვის შესახებ

ქალაქ ფოთის მუნიციპალიტეტის 2019 წლის პრიორიტეტების დოკუმენტი

მომხს: გოჩა კურდღელია-ქალაქ ფოთის მუნიციპალიტეტის მერი;

მომხს: ნანა ჭანტურია-ქალაქ ფოთის მუნიციპალიტეტის მერის საფინანსო-საბიუჯეტო სამსახურის უფროსი;

თანამომხ: მაია მაკალათია-ქალაქ ფოთის მუნიციპალიტეტის მერის ჯანმრთელობისა სოციალური დაცვის სამსახურის უფროსი;

თანამომხს.ბაქარ ერაგია-საკრებულოს სოციალურ საკითხთა კომისიის თავმჯდომარე;

თანამომხს.ბექა ვაჭარაძე-საკრებულოს სივრცით- ტერიტორიული დაგეგმარებისა და ინფრასტრუქტურის კომისიის თავმჯდომარე.

მოისმინეს: ქალაქ ფოთის მუნიციპალიტეტის 2019 წლის ბიუჯეტის პროექტის საჯარო განხილვის შესახებ. ქალაქ ფოთის მუნიციპალიტეტის 2019 წლის პრიორიტეტების დოკუმენტი.

მომხს: გოჩა კურდღელია-ქალაქ ფოთის მუნიციპალიტეტის მერი;

მომხს: ნანა ჭანტურია- ქალაქ ფოთის მუნიციპალიტეტის მერის საფინანსო-საბიუჯეტო სამსახურის უფროსი;

თანამომხს: მაია მაკალათია- ქალაქ ფოთის მუნიციპალიტეტის მერიის ჯანმრთელობისა და სოციალური დაცვის სამსახურის უფროსი;

თანამომხს: ბაქარ ერაგია - საკრებულოს სოციალურ საკითხთა კომისიის თავმჯდომარე;

თანამომხს: ბექა ვაჭარაძე- საკრებულოს სივრცით-ტერიტორიული დაგეგმარების და ინფრასტრუქტურის კომისიის თავმჯდომარე.

მერიის საფინანსო-საბიუჯეტო სამსახურის უფროსმა ნანა ჭანტურიამ წარმოადგინა ქალაქ ფოთის მუნიციპალიტეტის 2019 წლის ბიუჯეტის პროექტი და 2019 წლის პრიორიტეტების დოკუმენტი. მომხსენებელმა აღნიშნა, რომ ქალაქ ფოთის მუნიციპალიტეტის 2019 წლის ბიუჯეტის შემოსულობები 15 943,5 ათ. ლარით განისაზღვრა, რაც 2018 წლის ბიუჯეტის შემოსულობებზე 2004,5 ლარით მეტია. ქალაქ ფოთის მუნიციპალიტეტის ძირითად პრიორიტეტებად კვლავ ინფრასტრუქტურული პროექტები, მშენებლობა, რეაბილიტაცია და ექსპლუატაცია, კულტურა, რელიგია, ახალგაზრდული და სპორტული ღონისძიებები, განათლება, მოსახლეობის ჯანმრთელობის დაცვა და სოციალური უზრუნველყოფა რჩება.

ქალაქ ფოთის მუნიციპალიტეტის მერიის ჯანმრთელობის და სოციალური დაცვის სამსახურის უფროსმა მაია მაკალათიამ აღნიშნა, რომ 2018 წელთან შედარებით 2019 წლის ბიუჯეტის პროექტში გაიზარდა სოციალური პროექტების დაფინანსება და დაემატა მთელი რიგი ახალი პროექტები. ერთ-ერთ ძირითად პრიორიტეტულ მიმართულებას კვლავ წარმოადგენს მოსახლეობის მხარდაჭერა ჯანმრთელობის დაცვისა და სოციალური მომსახურების სფეროში.

საკრებულოს სოციალურ საკითხთა კომისიის თავმჯდომარემ ბაქარ ერაგიამ აღნიშნა, რომ 2019 წლის ბიუჯეტის პროექტში შეინიშნება სოციალური მიმართულებებით გარკვეული წინსვლა. მან ყურადღება შეაჩერა რამდენიმე სოციალურ პროექტზე, კერძოდ აღნიშნა უპოვართა სასადილოს რეაბილიტაცია, უპოვართათვის სასიამოვნო გარემო-პირობების შექმნა. აღნიშნა, რომ ქალაქ ფოთსა და ქალაქ ოსტამარს შორის ურთიერთთანამშრომლობის შედეგად 2019 წლიდან ამოქმედდება „ხანდაზმულთადლის დღის ცენტრი“ ასევე მნიშვნელოვანია შეზღუდული შესაძლებლობების მქონე ბავშვთა რეაბილიტაციის დაფინანსების გაზრდა. კერძო კლინიკების დახმარებით მათ მომსახურება გაეწევათ ადგილზე ქალაქიდან გაუსვლელად. აღსანიშნავია, აგრეთვე, რომ 2019 წლიდან მატერიალურ წახალისებას ერთჯერადად 100 ლარის ოდენობით მიიღებენ მამით ობლები. 2019 წლის ბიუჯეტი სოციალურად ორიეტირებულია.

საკრებულოს-სივრცით-ტერიტორიული დაგეგმარებისა და ინფრასტრუქტურის კომისიის თავმჯდომარემ ბექა ვაჭარაძემ აღნიშნა, რომ ბიუჯეტის სიმცირის გამო სრულად ვერ ვპასუხობთ ქალაქში არსებულ ინფრასტრუქტურულ პრობლემებს. სამუშაოა იმ მიმართულებით, რომ ცენტრალური ბიუჯეტიდან იქნას მოძიებული თანხები კონკრეტული პროექტებისათვის. იგი შეეხო ორ მნიშვნელოვან პროექტს (1) ცენტრალური პარკის რეაბილიტაცია, რომლისთვისაც 1 მილიონი ლარის გამოყოფა იგეგმება, (2) კუნძულის უბნის სანაპირო ზოლის მშენებლობა, რომლისთვისაც მილიონ სამასი ათასი ლარის გამოყოფა იგეგმება რაც შეეხება ადგილობრივ ბიუჯეტს, ინფრასტრუქტურის მშენებლობა, რეაბილიტაცია და ექსპლუატაციის მიმართულებით გამოყოფილია 4 743,5 ათასი ლარი, აღსანიშნავია ლედ

ნათურების პროექტი, რომელზეც 220 ათასი ლარია გამოყოფილი, საცხოვრებელი სახლების სახურავების მიმდინარე რემონტი 100 ათასი ლარია და ამ მიმართულებით ცენტრალური ხელისუფლებიდან 1 მილიონ ლარს ველოდებით. ორმულ შეკეთებაზე 100 ათასი ლარია გამოყოფილი მიმდინარეობს მუშაობა ასფალტირებაზე 1 მილიონი ლარის გამოყოფას თან დაკავშირებით, მოსახლეობის მოთხოვნის გათვალიწინებით 100 ათასი ლარია გათვალისწინებული ატრაქციონების შემენა- მონტაჟზე, მინი სპორტული მოედნების მოვლა - პატრონობას 50 ათასი და საგზაო ნიშნების პასპორტის შედგენასა და მათ მოწყობაზე ჯამში 70 ათასი ლარი.

აზრი გამოთქვეს ქალაქის მოსახლეობის წარმომადგენლებმა : ეკა სარიამ, მარიზა სიჭინავამ, მარინა გოგინავამ, გენური გიგაშვილმა, მარეხი ყიფშიძემ, დავით გვასალიამ, ხვიჩა კარანაძემ. საზოგადოებრივი დარბაზისა და სათათბიროს წარმომადგენლებმა: ვაგნერ მხეიძემ, ნაპო თოდუამ, ომარ ხუბუნიმ, ვანო ნარმანიამ.

ვეტერანთა რეგიონალური სამსახურის წარმომადგენელმა ლაურა ადამიამ.

შეხვედრაზე დასმული შეკითხვები ძირითადად შეეხო ქალაქში არსებულ სოციალურ და ინფრასტრუქტურულ პრობლემებს: მრავალბინიანი საცხოვრებელი სახლების გადახურვას, ეზოების კეთილმოწყობას, ქუჩების მოასფალტებას- შეკეთებას, ფასდების შეღებვისა და სადარბაზოების სარემონტო სამუშაოების ჩატარებას, საკანალიზაციო სისტემის მოწესრიგებას,, საბავშვო ატრაქციონების მონტაჟისა და მოხეტიალი ძალლების იზოლირების. საკითხებს.

შეკითხვებს პასუხები ადგილობრივი ხელისუფლების წარმომადგენლებმა გასცეს.

დღის წესრიგით გათვალიწინებული საკითხები შეაჯამა ქალაქ ფოთის მუნიციპალიტეტის მერმა გოჩა კურდღელიამ, რომელმაც ისაუბრა 2019 წლის ბიუჯეტის ძირითად მიმართულებებსა და პრიორიტეტებზე მან აღნიშნა, რომ 2019 წლის ბიუჯეტი 2004 ათ. ლარით არის გაზრდილი, , რაც აისახება ინფრასტრუქტურულ პროექტებზე, გაგრძელდება ძველი პროექტები, ასე იგეგმება ახალი ინფრასტრუქტურული პროექტები(კუნძულის სანაპირო ზოლი, მდ. კაპარჭის გაწმენდა- რეაბილიტაცია).

შენარჩუნებულია ყველა სოციალური პროგრამა, გაზრდილია სტაციონარული მომსახურების თანხები, მერმა განსაკუთრებით გაამახვილა ყურადღება ქალაქის მოვლა დასუფთავებასა საზოგადოებრივ აქტივობებში მოსახლეობის ჩართულობაზე.

დაადგინეს: მიღებულ იქნას ცნობად ინფორმაცია ქალაქ ფოთის მუნიციპალიტეტის 2019 წლის ბიუჯეტის პროექტისა და ქალაქ ფოთის მუნიციპალიტეტის 2019 წლის პრიორიტეტების დოკუმენტის შესხებ.

ქალაქ ფოთის მუნიციპალიტეტის მერი

ქ. სულეიმან

გოჩა კურდღელია